

LA CUVA DI LI SCOCCI

Vi parru d'un canuzzu nasu finu
c'avia rubbatu un ovu a na ciocca
e pi sanari la partazza sporca
'nta lu postu ci pusau un pallinu,
la ciocca era fora pi mangiari,
fattu lu pranzu, turnau a ricuvari.

L'armala a ssu gestu spasimava
nun criria na simili partazza
lu critti ovu di na bona razza,
ppi scuvallu si pricipitava
era grossu, lisciu, tantu finu,
sunnava un gigantiscu puddicinu.

LA COVA DELLE BUCCE

Vi parlo di un cane naso fino
che aveva rubato un uovo ad una chioccia
e per rimediare la partaccia sporca
in sostituzione vi posò un pallino,
la chioccia era fuori per mangiare,
fatto il pranzo tornò a ricovare.

La chioccia a questo gesto spasimava
non credeva a una simile partaccia,
lo credette uovo di buona razza,
a scovarlo si precipitava,
era grosso, liscio, tanto fine,
sognava un gigantesco pulcino.

'Rrivau lu tempu, l'ova ci scuvanu,
lu pallinu ci 'rristau pi smaccu,
però la ciocca si manciau l'arcu
cumprisi beni chi la cutularu
comu dici la sturiella antica
ci persi lu tempu e la fatica.

A tempi parsi un tronu lu pallinu,
fu sfregiu di ddu cani scilliratu,
ora chi l'aniru è chiù cunzatu
tantu pi pulli e pi l'umanità,
ci sunnu li addazzi chiù capocci
si sucanu l'ova, nni cuvanu li scocci.

Venne il tempo che le uova si schiusero,
il pallino le rimase per smacco,
però la chioccia comprese il trucco,
capì bene che la presero in giro
come si dice nella storiella antica
perdetto il tempo e la fatica.

A quei tempi parve un tuono la storia del pallino.
fu spregio di quel cane scellerato,
ora che il nido è più rassettato,
tanto per i polli quanto per l'umanità,
ci sono galli più capoccia
si succhiano le uova e ne covano i gusci.

MUNNU DI FESTA

Iò sugnu lu dutturi ammintuatu,
o cari amici si vi ricurdati,
chiddu chi vinni l'annu passatu
a visitari tutti li malati:
c'è qualchi malateddu chiù gravatu
di chiddi scarsuliddi abbannunati,
chi fa la cura di vitamini strani,
di cucuzzi, cipuddi e milinciani.

Malateddi comu vi la passati
cu 'sta granni cura chi faciti
di cipuddi, cucuzzi ammarinati?
Vi raccumannu agghiu nun ci mittiti,
comu l'agneddi, facitili 'nfurnati,
la linia perfetta mantiniti
cu l'agghiu si tenta di 'ngrassari
finisci 'un si putiri cchiù calari!

UMANITA' A FESTA

Io sono il dottore di chiara fama,
o cari amici se vi ricordate,
quello che venne l'anno passato
a visitare tutti i malati:
c'è qualche malatino più grave
di quelli, poveretti abbandonati,
che fa la cura di vitamine strane,
di zucche, cipolle e melenzane.

Maaltini come vi sentite
con questa grande cura che fate
di cipolle e zucche marinate?
Vi raccomando, aglio non mettete,
come gli agnelli, fatele a forno,
la linea perfetta mantenete
con l'aglio si tende ad ingrassare
finirete col non potervi più calare!

Viditi la scienza quantu è prugridita,
quantu medici chi vannu a lu cungrèssu,
s'incontra dda testa cchiù 'struita,
si marcia sempri versu lu prugrèssu,
iò passu e ripassu la me vita,
mì giru e rigiru l'universu,
'nta lu cungrèssu sapiti chi si dici
li medici di la pasta su nimici.

Di lu cungrèssu diagnusi cintrali
tutti li medici annu dilibiratu:
un piattu pasta chinu vi fa mali,
cunzigghianu di farlu chiù smizzatu,
tutti ssi farinaci 'un su vitali
lu cori travagghia chiù affannatu
e lu malatu li cucuzzi l'accumpagna
cu qualeddu e giriteddi di campagna.

Livannuci la pasta fa piaciri
li cunti vennu chiù facilitati,
o canteri varagnati milli liri,
'un cucinannu la pasta v'abbuffati,
l'operai vannu a prugridiri

Osservate quanto la scienza è progredita,
quanti medici che vanno ai congressi,
si scopre quella testa più dotta,
si marcia sempre verso il progresso,
io passo e ripasso la mia vita,
girando e rigirando l'universo,
al congresso, sapete che cosa si dice
i medici della pasta son nemici.

Al congresso come diagnosi centrale
tutti i medici hanno deliberato:
un piatto di pasta pieno fa male,
consigliano di ridurlo,
tutti questi farinacei non sono vitali,
il cuore lavora con più affanno,
e il malato le zucche accompagna
con verdure di campagna.

Eliminando la pasta
i conti vengono facilitati,
al cantiere guadagnate mille lire,
non cucinando la pasta vi soddisfatte,
gli operai vanno progredendo

a l'usu americanu su trattati,
aspettanu lu prugressu e paraddisu
unni chi nuddu sapi unni sta misu!

Viditi a chistu quantu è 'nciafardatu
mancia sempri carni e maccarruni,
chi stomacu chi avi cumminatu!
Ppari 'un ponti mezzu lu straduni
quannu parla cci manca lu ciatu,
la nanfara c'iapporta su panzuni,
avi la panza chi ci sta scattannu,
mancia e bivi sempri tuttu l'annu.

L'autru jornu lu vittu o ristoranti,
manciava carnazza e maccarruni,
rusbiffi leggeri e chiù curcanti
'nta tavula c'avia mezzu capuni,
lu provulu duci e lu picanti,
sasizza, fillata e sasizzuni
e poi 'un vi ricu chiddu chi vivia
chi saziu mai 'un si viria!

Si vinni nni mia a visitari
mi dissi chi si senti malamente,

col sistema americano son trattati,
aspettano il progresso e il paradiso,
che nessuno sa dove si trova!

Osservate questo come è imbottito:
mangia sempre carne e maccheroni,
che pancia si è davvero combinata!
sembra un ponte in mezzo allo stradone,
quando parla gli manca il fiato,
la corizza gli apporta il pancione,
lo stomaco gli sta scoppiando,
mangia e beve tutto l'anno.

L'altro giorno l'ho visto al ristorante
mangiava carne e maccheroni,
roosbif leggero e più piccante,
in tavola aveva un mezzo cappone,
il provolo dolce e quello piccante,
salsiccia affettata e salsiccione,
e poi non vi dico quello che beveva
che sazio mai non si vedeva!

E' venuto da me a farsi visitare,
mi ha detto che si sente male,

ci dissi figghiu meu, 'u troppu mangiari
lu cori 'nmezzu ssu grassu 'un si senti
si 'mpiatu e vai travagghiari!
Mi dissi mangiu, vivu e fazzu nenti
Mangia e vivi sempri 'nquantità
chissu lu paraddisu l'avi ccà!

A la matina si susi matinu,
mi dissi sinni va mezzu la chiazza
si vesti pulitu comu 'un signurinu,
ddra qualchi cosa la 'ntrallazza,
avi na machina quantu 'un trininu
tutta tenti senza 'na spilazza
e basta chi manca 'na rancata
picciuli ni porta 'na palata.

Operai chi vinniti a travagghiari,
a la matina fativi lu cuntù,
è l'epuca di cu sapi 'ntrallazzari,
di cu 'nnavi vergogna e mancu affruntu
stu mali sempri va a multiplicari
e tutta virità soccu vi cuntù,
cu travagghia perdi e fa di facci
è l'epuca di li vili e li magnacci!

gli ho detto: figlio mio, troppo cibo
il cuore in mezzo al grasso non si sente
sei impiegato e vai a lavorare!
mi disse mangio, bevo e faccio niente,
mangia e beve sempre in quantità
questo il paradiso l'ha trovato quà!

Di mattina si alza presto,
se ne va in mezzo alla piazza,
si veste pulito come un signorino,
lì qualche cosa la intrallazza,
ha una macchina grande quanto un trenino
tutta tende senza uno spiraglio
e basta che si assenti un momentino
che soldi ne porta una palata.

Operai che andate a lavorare,
al mattino fatevi il conto,
è l'epoca di chi sa intrallazzare,
di chi non ha vergogna e pudore,
questo male si va moltiplicando,
è tutta verità quello che vi racconto,
chi lavora perde e fallisce
è l'epoca dei vili e dei magnaccia!

Io stesi a l'America Argentina,
visitai li paisi chiù luntanu,
visitai lu Giappuni, anchi la Cina,
lu munnu l'aiu giratu tuttu 'nzanu
l'Italia di malati è tutta china,
a Napuli soccu cc'è, anchi a Milanu,
vi parlu di la clinica cintrali
chi cc'esti a Roma 'nta la capitali.

Un malatu discinni di li mori
ha fattu sempri liti ppi mangiari,
omu 'ntelligenti e di fururi,
omu di mezza età, v'è a bianchiari,
omu di talentu, omu di cori,
stuffu, la clinica vulia lassari,
poi risulvennu soru soru
stannu senza mangiari allura moru!

Passaru jorna, arrè si sistimau!
Lassu a iddu e pigghiu 'un prufissuri,
mischinu lu ciriveddu s'ammalau
avia la testa china di rumuri,
un ghjornu du mezzornu ci spuntau

Io sono stato nell'America del Sud
ho visitato i paesi più lontani,
il Giappone, anche la Cina,
il mondo l'ho girato tutto intero
l'Italia di malati è tutta piena,
da Napoli fino a Milano
vi parlo della clinica centrale
che esiste a Roma Capitale.

Un malato discende dai Mori
ha fatto sempre lite per mangiare,
uomo intelligente e di vaglia,
uomo di talento, uomo di cuore,
uomo di mezza età, va imbiancando,
era stufo, la clinica voleva lasciare,
poi riflettendo cautamente
stando senza mangiare allora muoio!

Passarono i giorni e lui di nuovo si è sistemato!
lascio lui e piglio un professore,
poverino il cervello si torturò
aveva la testa piena di rumore,
un giorno a mezzodì gli si presentò

unu di li soi ch'esti pasturi
'nta sa tina ne nni mangia ne nni talia,
chissu mangia sempri a scatta scatta!

Puru c'è di bonu 'nta ssa casa
una tina di meli senza chiusa,
un cristianeddu cu la testa rasa,
zammata cu li manu a la rinfusa
chistu America c'avi a sso 'za Masa
ci manna mangiari a cascia chiusa
'nta ddatina ne nni mangia ne nni talia,
lu preti penza e dici: è tutta mia!

Chi granni clinica, chi lucali raru
quantu gran mangiari a 'munzidduni,
dda dintra c'esti puru 'un palummaru
c'è puru un colombu e un picciuni,
annu 'un cannizzu paru paru,
chinu di frumentu e di granuni
e dopu ssi cannizzi beddi chini
'nto n'angulu ci sta puru mangimi!

Tutti si malati riuniti
sunnu 'un migghiaru ben cuntati,

uno dei suoi che è pastore
e in una tinozza a mezzo piena
lui mangia sempre a scoppia scoppia!

In quella casa c'è di buono anche
una tina di miele senza coperchio,
un omettino con la testa pelata
arraffa con le mani alla rinfusa
questo in America ha sua zia Masa
che gli manda cibo a cassa chiusa
in quella tina ne mangia ne guarda,
il prete pensa e dice: è tutta mia!

Che gran clinica, che locale raro
quanto cibo a mucchi,
li dentro c'è pure una colombaia
vi è pure un colombo e un piccione,
hanno una riserva piena piena,
di frumento e di granone
e dopo questi canestri così pieni
in un angolo ci sta pure mancime

Tutti questi malati riuniti
sono circa un migliaio

dda dintra cucuzzeddi 'un ni viriti
c'è sempri polli e abacchi 'nfurnati,
l'annu scorsu pu mangiari ci fu liti,
lu cunsigghiu aumintau natra mitati
cu tuttu su mangiari e su gran piattu
da dintra stramera fa puru lu gattu!

Malateddi di lu Meridiuni
sciglivitilu bonu lu spitali,
lassati iri lu settentriuni
scigliti la clinica centrali,
ci fu lu zu Ciccio, lu zu 'Ntoni
di tannu nun si sentinu cchiù mali
cu si va cura a Roma è furtunatu
Nesci 'nzaluti e 'un cadì cchiù malatu!

'Stu poviru ed affittu diplomatu
avi li aggiuna, 'un pò mangiari,
quantu gran ricetti cc'à pruvatu!
Di stu mali 'un si pò allibittari,
è pallitu, affittu, arrapacchiatu,
sta ota grassu t'a fari addivintari
pigghiati 'sta midicina ti cunsigghiu
ci voli vitamini di cunigghiu!

li dentro zucche non ne vedete,
ci sono sempre polli e abbacchi al forno,
l'anno scorso per mangiare ci fu lite,
il consiglio aumentò la mensilità
con tutto quel gran cibo
li dentro si trova bene pure il gatto!

Malatini del meridione

sceglietevi un buon ospedale,
lasciate il settentrione
scegliete la clinica centrale,
vi fu lo zio Ciccio, lo zio 'Ntoni
da allora non si sentono più male
chi va in cura a Roma è fortunato
ne esce guarito e non si ammala più!

Questo povero ed afflitto diplomato

ha la tonsillite, non può mangiare,
quante ricette ha provato!

Di questo male non si può liberare,
è pallido, afflitto, sciupato,

questa volta voglio farti diventare grasso
pigliati questa medicina, te lo consiglio
occorrono vitamine di coniglio!

Vitamini di ddu gran cunigghiu,
mezzu l'arvulazzi di abeti,
avant'eri appi 'un pocu di cattigghiu
ora mangia vivi e si sta quetu.
Malateddu io ti lu cunsigghiu,
ssa clinica guarisci a lu cumpletu,
li cunigghiedda c'è cu scappa e cu fui,
lu grossu di ssa tana 'un nesci chiù!

Purtatilu a San Marcu ch'è elevatu,
oppuru direttamenti a Giacaluni,
oppuru a Napuli ch'è chiù sistimatu,
aggregalu a qualcunu ch'è mangiuni,
estrattu di pollu ch'è ludatu,
copia a dd'a aciddazzu, lu facuni,
e ppi mangiari megghiu t'indirizzu
'na dda gran muntagna unn'è lu pizzu.

'Nta su pizzu ci trovi lu facuni,
ci trovi lu cunigghiu e lu mangiuni,
annu sempri mangiari a munzidduni,
comu lu culumbu e lu picciuni,
c'è puru lu attu e lu liuni,

Vitamine di quel gran coniglio,
fra i grandi alberi di abeti,
l'altro ieri ebbe un po' di prurito
ora mangia beve e si sta quieto.
Malatini io ve lo consiglio,
quella clinica guarisce al completo,
tra i coniglietti c'è chi scappa e fugge,
ma il grosso da quella tana non esce più!

Portatelo a San Marco che è zona elevata,
oppure direttamente a Giacalone
oppure a Napoli che è più sistemato,
unitelo a qualcuno che è mangione,
estratto di pollo che è lodato,
imita a quell'uccellaccio, il fagone,
e per mangiare meglio ti indirizzo
in quella gran montagna dove è il pizzo.

In quel pizzo trovi il fagone,
vi trovi il coniglio e il mangione,
hanno sempre da mangiare a grandi mucchi,
come il colombo e il piccione,
vi è pure il gatto e il leone,

cari amici si ascolti un pò
ora vi parlu di un granni zoò.

'Ntà ssu zoò cc'è armali d'ogni razza,
armali rapaci e dammaggiusi,
cci nn'è cu dda sorti di vuccazza,
cu scagghiuna grossi e putirusi,
dda dintra succeri 'u strazza strazza,
cu la giungla di l'Africa cunfusi,
nun virennu ne palmi nè banani,
subitu capivi su 'taliani!

Ss'armalazzi grossi e senza frenu
ci voli mangiari a largasia,
l'avemu niautri, tuttu su tirrenu,
quantu lu grossu mangia e si stravia,
chi su scecchi chi ci voli pagghia e fenu?
Lu sceccu cu pocu pagghia si sazzia,
s'armali vonnu un bistiolu sanu,
comu avi a fari stu populu Italianu!

Poviri pecuri e bistiola sani,
niatri c'avemu tutta sa buvina

cari amici se ascoltate un po'
ora vi parlo di un grande zoo.

In quel zoo vi sono animali di ogni razza,
animali rapaci e danneggiosi,
ve ne sono alcuni con grande bocca,
con denti affilati e poderosi,
li dentro succede il ruba-ruba,
con la jungla africana lo scambiai,
ma non vedendo palme nè banane,
subito compresi sono italiani!

Per questi animali grossi e sfrenati,
ci vuole cibo in abbondanza,
l'abbiamo noi, tutto quel terreno,
in modo che i boss mangino e si divertano,
che sono, forse, somari, che occorre paglia e fieno?
Un somaro con un po' di paglia si sazia,
questi animali vogliono un giovenco intero,
come deve fare questo popolo italiano!

Povere pecore e giovenchi!
per noi che abbiamo tutti questi bovini

mannatilu su zoè 'mmezzu l'indiani,
li bistiola dda su cosa divina
nunn'annu nè canvughia nè custani
dda stati sempri cu la bozza china,
mannatili n'India grossi e picciriddi
lassati tranquilli sti quattru picuriddi.

mandate pure questo zoo fra gli indiani,
là le bestie sono cosa divina
non hanno addosso alcun male,
lì state sempre con la pancia piena,
mandateli in India piccoli e grossi,
lasciate in pace queste quattro pecorelle.